

Kahlolo ya Kgorotsheko Kgolo

Tshwane, 18 Nofemere 2021 – Khomišinare wa Ditirelo tša Motšhelo tša Afrika Borwa (SARS), Mrn. Edward Kieswetter, o lemogile kahlolo yeo e dirilwego ke Kgorotsheko Kgolo ya ka Gauteng ya molato magareng ga *Arena Holdings* le ba bangwe kgatlhanong le SARS le ba bangwe ka la 16 Nofemere 2021, ka tokollo ya tshedimošo ya molefela motšhelo.

“Morero wa sephiri sa molefela motšhelo ga se mabapi le motho ka noši o itšeng, eupša ke seo balaoleli ba motšhelo lefaseng ka bophara ba se lebelelago bjale ka molawana o bohlokwa wa tshephano magareng ga bona le maloko a setšhaba ao a lefelago motšhelo. Gape go tloga go le bohlokwa kudu go maikemišetšo a rena a leano la go fihlelela obamelo ka boithaopo. Balefela motšhelo ba swanetše go holofetšwa gore SARS e ka se bololle tshedimošo yeo ba nago le yona ka potego, gape bjale ka ge go hlokega go ya ka molao, gore e ribollwe go rena. Sephetho sa setlogo sa SARS sa go ganetšana le kgopelo ye se tšerwe go ya ka melawana ye. Merero ye e tloga e le bohlokwa kudu gonna bjale ka Khomišinare wa SARS, go SARS bjale ka setheo, gape le go setšhaba ka kakaretšo, yeo e tlogago e tlhatsega ka maatla ka go di afidafiti tšeo re di faetšego pele ga theeletšo ka Kgorotsheko Kgolo go gana ka kimollo yeo e nyakilwego.

Go tloga go le bohlokwa kudu go lemoga gore Tona ya Ditšhelete le Tona ya Toka le Tšwetšopele ya Molaotheo bobedi ba ganane le kgopelo ya phihlelelo ya tshedimošo ya sephiri ya molefela motšhelo.

“Ke lemogile ditshwayotshwayo tše mmalwa ka ga Kahlolo, bobedi ka go phatlalatšo ya ditaba ya semmušo le diplatfomo tša mafaratlhatlha a tša leago gomme ke tloga ke kwešiša kudu gore baphatlalatši ba ditaba, motšhelo le baprofešenale ba tša semolao, gammogo le balefela motšhelo ba tloga ba nyaka go kwešiša gore maemo a SARS ke a afe gape le gore maikemišetšo a rena ke eng. Ke rata go kgonthišetša setšhaba gore kahlolo, le boikgethelo bja SARS, gabjale di tloga di rerišanwa gape le go lebeledišwa. Ge ditherišano di phethagaditšwe, sephetho sa mafelelo se tla dirwa, gomme ke fana ka tiišetšo ya gore re tla dira dikamano gape ge sephetho se dirilwe.”

SARS e rata go kgonthišetša balefela motšhelo, bagwebi le baprofešenale ba tša motšhelo gore dipeelano tša sephiri, bjale ka ge di laeditšwe ka go molao o itšeng, di tloga di tlema SARS le bašomedi ka moka ba ka SARS, gape le gore ribollo efe goba efe yeo e sa dumelelwago ya tshedimošo ya sephiri sa molefela motšhelo e dula e le tlolo ya molao.

Go hwetša tshedimošo enngwe, ka kgopelo ikgokaganye le SARS go SARSmedia@sars.gov.za